



PREZIDÉNSIA  
KONSELLU  
MINISTRUS  
VIII GOVERNUN KONSITUSIONÁL



Gabinete  
Portavós

**Komunikadu Imprensa**

**Sorumutuk Konsellu Ministrus nian iha loron 16 fulan-fevereiru tinan 2022**

Konsellu Ministrus hala'o sorumutuk iha Palásiu Governu, iha Dili no, aprova ona ho alterasaun sira ba projetu Rezolusaun Governu nian, ne'ebé apresenta husi Vise-Ministra Finansas, Sara Lobo Brites, ne'ebé estabeselese **estrutura administrativa responsavel ba realizasaun Resenseamentu Jerál ba Populasaun no Abitasaun nian ba tinan 2022 (Sensu 2022)**.

Governu nia rezolusaun ida-ne'e define sé mak integra ba kada komisaun tolu ne'e ida ne'ebé harii estrutura administrativa responsavel ba realizasaun Sensu tinan 2022. Komisaun tolu ne'e mak hanesan:

- komisaun nasional ba sensu 2022 ne'ebé nia misaun mak halo orientasaun politika no administrativa husi atividade sensitária (sensu nian), nune'e mós halo mobilizasaun ba rekursus umanus no materiál nesáriu sira.
- komisaun téknika ba sensu 2022 nian ne'ebé sei halo avaliasaun téknika ba atividade sensitária, revizaun ba instrumentu sira sensu nian no rekomendasaun husi prátika sira ne'ebé di'ak liu ba rekolla no tratamentu dadus nian; no
- Komisaun ba publisitasaun sensu 2022 nian ne'ebé sei responsabiliza hodi informa no prepara públiku ein jerál ba atividade sensitária.

Resenseamentu Jerál Populasaun no Abitasaun nian ne'e iha objetivu prinsipál sira ba kontajen no karakterizasaun ba populasaun ne'ebé rezidente iha Timor-Leste, nune'e mós levantamento ba hela-fatin sira ne'ebé eziste no sira-nia kondisaun moris nian, liuhosi rekolla dadus no elementu sira ne'ebé mak kompletu, ne'ebé realiza liuhosi operasaun sira inkéritu nian no tratamentu estatístiku.

Konsellu Ministrus aprova ona projetu Rezolusaun Governu nian, ne'ebé apresenta husi Vise-Ministru Negósius Estranjeirus no Kooperasaun, Julião da Silva, ne'ebé aprova **adezaun ba Akordu-Kuadru kona-ba fasilitasaun komérsiu transfronteirisu nian ne'ebé laho surat-tahan iha Ázia no iha Pasífiku**.

Hein katak Akordu-Kuadru ida-ne'e fornese ba país sira Ázia no Pasífiku nian ferramenta no komplementu dijital foun ida ba implementasaun Akordu Fasilitasaun



Palácio do Governo,  
Avenida Presidente Nicolau Lobato,  
Dili, Timor-Leste



# PREZIDÉNSIA KONSELLU MINISTRUS

VIII GOVERNUN KONSTITUSIONÁL



Gabinete  
Portavós

Komérsiu Organizasaun Mundiál Komérsiu nian ida ne'ebé di'ak liu no ba dezvoltamentu komérsiu eletróniku transfronteirisu nian, liuhosi konjuntu komún ida hosi prinsípiu jerál sira no plataforma intergovernamentál ida ne'ebé dedikadu.

Halo aprovasaun mós ba projetu Dekretu-Lei, ne'ebé apresenta husi Ministru Administrasaun Estatál, Miguel Pereira de Carvalho, ba **alterasaun datoluk ba Dekretu-Lei n. 8/2013, lora 26 fulan-juñu, kona-ba Rejime Jerál Programa Dezvoltamentu Suku (PNDS) nian.**

Konsellu Ministrus delibera ona hodi autoriza **negosiasaun ba Akordu sira “Millennium Challenge Compact” no “Program Implementation Agreement”, entre Estados Unidos Amérika, liuhusi Millennium Challenge Corporation no Repúblika Demokrátika Timor-Leste.** Konsellu Ministrus deside ona mós hodi atribui ba Ministru Prezidénsia Konsellu Ministrus, Fidelis Manuel Leite Magalhães, podér tomak ba negociasaun no asinatura ba akordu sira-ne'e.

Halo mós aprovasaun ba projetu **Proposta Lei alterasaun dahuluk nian ba Lei n. 24/2021, lora 19 fulan-novembru, ne'ebé prosede alterasaun dahuluk ba Lei n. 10/2004, lora 24 fulan-novembru, Lei Sistema Saúde nian no aprova medida exesional no temporáriu sira ba vijilánsia sanitária sira hodi hatán ba pandemia moras COVID-19 nian,** ne'ebé apresenta husi Ministra Saúde, Odete Maria Freitas Belo. Projetu ba Proposta Lei ida-ne'e nian hodi aumenta prazu vijénsia nian ba medida sira ne'ebé prevee iha artigu da-3 husi Lei n. 24/2021, lora 19 fulan-novembru.

Ikusliu, Ministru Administrasaun Estatál, apresenta ona ba Konsellu Ministrus **opsaun polítiku-lejizlativa sira sai hanesan baze ba iniciativa alterasaun nian ba Dekretu-Lei n. 12/2018, lora 25 fulan-abril, kona-ba subsidiu estraordináriu ba membru sira hosi Órgaun sira Administrasaun Eleitorál nian. REMATA**



Palácio do Governo,  
Avenida Presidente Nicolau Lobato,  
Dili, Timor-Leste